



«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

ГОЛОС САМУРА

Газет 1951- йисалай акъатзава. № 15 (8281) киш, 29- март, 2025- йис. Къимет 6 манат

САМУРДИН
сес

ТЕБРИК



ГЪУЪРМЕТЛУ районэглияр! 30- март мусурманрин члехи ва пак тир сувар- Ураза Байрам я. Гъар йисуз Рамазандин вацра сивер хуьн неинки гъар са мусурмандин хиве авай ферз я, ам гъак! сагъламвал мягъкемарзавай, мергъяматлувал ар-

тухарзавай, хатур-гъуьрмет риклелай алуд тийидай, на-гъакъан гъар са кардивай яр-гъа ийидай хъсан ва хийирлу карни я.

Квез сувар мубарак хъурай. Къуй куьне къур сивер Аллагъди къабулдайбур хъурай. Къуй чи района сив хуь-

звай мусурманрин къадар гзаф хъурай.

Къуй и сувар куь къана-жагъда тунвай михъи ния-тар ва хъсан къилихар яр-гъалди давам хъурай. Амин!

Фарид АГЪМЕДОВ,
«Магъарамдхуьруьн район»
МР-дин Администрация-дин къил.

25- МАРТДИЗ «Магъарамдхуьруьн район» МР-дин къил Агъмедов Фарид Загъидиновича Ярагъкъазмайрал алай «ЛЕЗГИНКА» банкетный залда Дагъустан Республикадин Муфтиятдин иштираквал аваз еке ифтар гана. Ихътин хийирдуьадин марекатда агъзурдав агакъна инсанри иштиракна. Ифтардиз патарилайни хейлин мугъманар атанвай.

→ 2





РАЙОНДИН ИФТАР

1 ←

ГъвечИ аялрилай башла-мишна яшара авай агъсакъ-алрал къведалди, итимрини дишегълийри вирида ифтар кыле физвай залда чпиз чка-яр къуна ацукънавай. Межлис ачухун патал сифте гаф Фарид Агъмедоваз гана. «Ассалам алейкум, играми районэгълийр, атанвай мугъ-манар. Са шакни алачиз, хуьруьн къене мукъвал-мукъвал ихътин марекатар кыле тухуз хъайитIа, чи арада стхавални дуствал мадни мягъкем жада, халкъдин садвални диндин мягъкемвал ар-тух жада. Играми стхаяр, вахар къуй сад тир Аллагъди къе Рамазандин вацра чна кыле тухузвай

ифтар къабулрай. Ам тешкилиз зегъмет чIугур вири стхайриз ва иштиракзавай гъар са касдиз чухсагъул. Куьне къунвай сивер, гузвай садакъаяр Аллагъди къабулрай»- лагъана Фарид Загъидиновича.

Ахпа, ифтарда Заур Салихова тамамарай нашидри межлис мадни гурлу авуна.

Эхирдай вирида санал сив хкудна.

Марекатдин сергъятра аваз аялрин арада розыгрыш кыле фена. Гъалиб хъайи аялриз гъар жуьредин савкъватарни гана. Къейд ийин хъи, тешкилатчийри марекатдиз икъван гзаф инсанар къведа лагъана фикирнавачир. Зал ифтардин иштиракчийрай ацIанвай. Ифтар хъсан дережада кыле фена.

ЖАННА.



Аялриз лезги члал чирзава



ЭХИРИМЖИ йисара хайи члал хуьн ва ам жегилриз чирунин месэла гзаф тlал алайди хьанватlани, амма чlалан кьайгьуда авай са бязи ватанэгьлийри, чlал квахь тавун паталди, жуьреба-жуьре серенжемар кьилиз акьудзава.

Шад жедай кар ам я хьи, алатай йисалай башламишна Дербент шегьерда, шоладайлай алава яз, 1-4- классра клелзавай аялар паталди лезги чlаланни эдебиятдин тарсар кардик кутунва. Гьафтеда садра пулсуздаказ тарсар кьиле тухузвайди лезги чlаланни эдебиятдин малим Алиева Регина Аслановна я.

Ам чlехи тежриба авай ва кьилин категориядин малим я.

Исятда хайи чlалан тарсариз 12 аял кьезва, амма тешкилатчийри гележегда аялрин кьадар мадни артух жедайдахь умуд кутазва.

Чи аялриз дидед чlал чир хьунин мурад рикlеваз ихтин хьсан кlвалах тешкилнавайди карчи Нариман Фаталиев я. Ам Гьажи Давудан тlварцlихь галай руьгьдинни марифатдин центрдин директор я.

Лезги чlалан тарсар «Креатив» тlвар алай аялрин чирвин дережа артухардай маканда кьиле физва. Тешкилатчийри центрдин директор Мурса-

лова Гульнара Фаржуллаевнадиз рикlин сидкьидай сагьрай лугьузва.

Кье Дербентда пулсуздаказ тарсар кардик кутун- им хайи чlал хуьниз ва виликди тухуниз гузвай са гьвечlи кьуват я, амма чlехи кlвалах диде-бубадилай аслу я. Гьикl лагьайтlа, гьар са аялди сифтени-сифте вичин хзандин сагьибрилай чешне кьачузвайди я. Эгер кlвале дидени буба лезги чlалалди рахаз хьайитlа, аялдиз хайи чlал чир жедайдал са шакни алач.

Владик БАТМАНОВ.



ГЪАЛИБВИЛИН рехь гзаф яргьиди ва четинди хьана. Амма а рехь чи халкьарин дуствал, дурумлувал ва руьгьдин чlехивал садрани тахьай тегьерда виниз хкаждайди хьана. Ам фронтдани далу пата ватанпересвал, массовый кьайдада игитвал кьалурунин чешне хьана.

Тарихдин метлеб авай и Гьалибвилик чи районэгьлийрини чпин лайихлу пай кутуна. Абур женгера ва зегьметда кьалурай кьегьалвилерай Ватандин орденризни медалриз лайихлу хьана.



И МУКЪВАРА редакциядиз чи райондин Цийихуьре яшамииш жезвай, тIвар-ван авай ашукъ Султанан хва Вургун мугъман хъана. Теклифдалди атанвай ашукъдин ирсдарихъ галаз хейлин ихтилатар авурдалай гуьгъуьниз райондин культурадин тарихдик лайихлу пай кутур ашукъ, шаир Султанан уьмуьрдин жигъирар рикел хкана. Халкъдин яратмишунра ашукърин яратмишунри кьетIен чка къазва. Абурун устадвилел чи тамашачийри гъамиша шадвалзава.

Иниз килигна ашукъ Султанан яратмишунар тийижир кас тек са чи районда ваъ, гъакI патарани бажагъат ава.

Алай йисуз ашукъ Султан дидедиз хъайидалай инихъ 100 йис тамам жезва. Культурадин тарихдин чинар цIийи хъувунин мураддалди чна гъар жуьре чешмейрикай менфят къачуна акъалтзавай несилдиз

АШУКЪРИН ТУХУМ

ашукъ Султанан уьмуьрдин рекъикай, бажарагъдикай, агалкъунрикай ва адан ирсдаррикай юбилейдиз талукъ макъала чапзава. Ашукъ Султан 1925- йисуз Дагъустандин Рутул райондин Агъа КIатIрухрин хуьре дидедиз хъана. Адан буба Гъажи Дагъустандин ва Азербайжандин гзаф районра ва хуьрера тIвар-ван авай ашукъ хъиз машгъур тир. Маса авторрин чIаларилай гъейри, ада са хейлин вичин маниярни яратмишна.

Гъеле 1928- йисуз кьиле фейи ашукърин I- съезддин иштиракчи Султана буба Гъажида санлай 800 шиир ва са шумуд дастан теснифнай. Абурун жергедай яз «Гъажини Зулейха», «Гъажини хан» ва «Мердвили дастан» къалуриз жеда. Гъажи вич тIвар – ван авай ашукъ Саидан хва тир.

Бубадилай гъейри Султанан

диде ашукъ Зулейхадихъни акъалтIай алакьунар авай. Адан бажарагъ ашукъ Гъажидиз гъуьлуьз фейидалай къулукъ раиж хъана. Ашукъ Зулейхадин хейлин акъажунра иштиракна, гъалибвилер къазанмишна. Гъа девирдин машгъур, тIвар- ван авай композитор Уьзеир Гъажибегова ва драматург Жафер Жабарлыди адан бажарагъдиз еке кьимет ганай. Абурун багъа ирс хва Султана лайихлудаказ давамарна.

Устадвилелди саз ягъиз ва манияр лугъуз Султаназ вичин бубадивай чир хъанай. Ада еке гъевесдалди Азербайжан ва лезги чIаларалди туькIуьрнавай манияр лугъузвай. Хуьре школа акъалтIарай ам Бакудин музыкальный училищедиз гъахъна. Училище агалкъунралди акъалтIарай жегъил пешекар са шумуд чкада культурадин кIвалера гъар жуьре къуллугъар

ийиз вичин яратмишунарни гъилелай вегъенач. Дагъустан республикадин жегъилрин фестивалра, III- ва IX- ашукърин съездра Султанан алакьунар дуьздал акъудна.

Рутулай тир жегъил ашукъдин сес Москвадин Чехи залра гъатна. «Чна талантар жагъурзава» конкурсдин акъажунра сифте яз лауреатвилини тIвар ва медаль къазанмишна. Яратмишунрив еке гъевесдивди эгечIнавай жегъил ашукъдилаи вичин къетIен бажарагъдалди ва манияр тамарунин устадвилелди агъалийрин гегъенш къатар гъейранариз алакьна. Ашукъ Султанан махсус концертрихъ Махачкъаладин, Азербайжандин филармониярин залра еке ашкьидивди яб гузвай. Ада иштиракай фестивалрин, культурадин гъар жуьре марекатрин ва къазанмишай гъалибвилерин, пишкешрин сан пара я. Еке устадвилелди Азербайжандин ва Дагъустандин 70 далай виниз манияр тамамарзавай ашукъдин хурал рикI алай саз къугъвазвай тегъер акурла, ам гурлу капаралди къаршиламишдай. Ада 7 дастан ва 400 дав агакъна шиирар теснифнава.

Шаир Султанан къелемдикай хкатнавай «Султан ва Къендаб», «Дурна», «Зи чуьнгуьр», «Азербайжандин дастанар» тIварар алай ктабар хайи чIалал, яратмишунрал рикI алай гъар са кас патал савкъват хъана.

Бажарагъ авай инсан вири рекъерай бажарагълу я, лугъуда халкъдин мисалда. Устад ашукъди вичин къадар-къисмет вичин ватандай тир, гуьгъуьнлай хизандихъ галаз Азербайжандин Къуба райондиз куьч хъанвай ашукъ Къендабал сад авуна. Гележегда адакай Къубадин сеслу ашукърикай сад хъана. Москвадин Виридуьньядин фестивалдин иштиракчи, Къубадин райсоветдин депутат, ашукърин хейлин акъажунрин иштиракчи Къенда-



ба вич сифте нубатда уьмуьрдин вафалу юлдаш тирди рикIелай ракъурнач. Ада ашукъ Султанахъ галаз мягъкем хизан кутуна. И хизанда вад хва: Сейид, Гъажи, Вургъун, Валегъ, Салегъ ва къве диши велед Адиле ва Шадице ЧIехи авуна уьмуьрдин шегъредал акъудна.

Яратмишунар ва хизан хиве гъатнавай уьткъем дишегълиди са кIусни бушвал авунач. Ада Азербайжандин ашукърин съездра иштиракна. ГъакIни Иранда, Туьркияда ва са жерге къунши гъукуматра вичин бажарагъ къалурна. Лайихлу пенсиядиз экъечIайла Къендаб бадеди вичин хтулриз манияр лугъуз ва чуьнгуьр ягъиз чирна. Алай йисуз ашукъ Къендаб дидедиз

хъайидалай инихъ 90 йис тамам жезва. Гъайиф хъи, абур чи арада амачIани, абурун яратмишунар уьмуьрлух яшамиш жеда. Багъа ирс балайри давамарзава.

Хайи райондин хъиз, къунши районрин культурани вилик тухуник лайихлу пай кутунвай Саидов Султан ва Къендаб хътин инсанар, ашукъар, гуьгъуьнлай къвезвай несилриз чешне жеда.

Ашукъри чпин бажарагъдикай паюникай Хва Салегъаз, Валегъаз ва Вургъуназ пай ганва. Абур алай вахтунда Магъарамдхуьруьн райондин Цийихуьре яшамиш жезва. Бубадивай багъа ирс яз къабулай

АШУКЪРИН ТУХУМ

4-5 

ашукъвилин пешедин вири сирерай кыл акъудай Вургъун 100 далай виниз шииррин ваваятрин автор я. Аял чIавадай сазунал рикI хъайи ада тамамарзавай авазриз сан авач. Азербайжандин ашукърин Союздин член Вургъун Москвада кыле фейи Вири-дуньядин студентрин ва жегъилрин фестивалдин иштиракчи ва лауреат лагъай тIварцIиз лайихлу хъанай. Вургъуна хъиз, амай балайри, хтулри чпин чIехи бубадила атанвай багъа ирсинал дамахзава.

Алай вахтунда ашукъ Султанан балаяр Магъарамдхурун райондин Цийихууре чпиз хизанар кутуна яшамиш жезва.

Абуру Султан бубадин ирс давамарунин мураддалди 11 хтул багъишнава. Гъайиф хъи, гъелелиг хтулрикай садани ашукърин ирс давамарнава.

Амма, Саидоврин лайихлу тухум давам жезва. Ихътин несилрилай несилралди хайи чIалаз, культурадиз къуллугъ авунвай тухумар чи арада текбир я. Ихътин тухум гуьгъуьнлай къвезвай несилриз чешне жедайдал са шакни алач.

Къуй, машгъур Саидоврин тухум давамарзавай балайрихъ, хтулрихъ, багъа ирс давамарунин карда мягъкем чандин сагъвал, яратмишунрин рекъе еке агалкъунар ва уьмуьрдин хушбахтлувал хъурай.

А.АЙДЕМИРОВА.

Са бязи делилар «Лезги газет» ва «Коммунизм патал» газетрай къачунва.

ВЕСЕННИЙ НАСМОРК: АЛЛЕРГИЯ ИЛИ ОРВИ?

С НАСТУПЛЕНИЕМ весны становится больше солнечных дней. Кажется, что уже совсем тепло, можно накинуть лёгкую кофточку и идти наслаждаться прогулкой. Но важно помнить, что весна – сезон сюрпризов, среди которых всё те же вирусные инфекции, что и зимой, а также аллергия на пыльцу.

Хотя все думают, что сезон ОРВИ всегда приходится на осень и зиму, вирусные инфекции весной не редкость.

Люди часто более восприимчивы к ОРВИ в межсезонье. Это связано с тем, что погода меняется, люди одеваются легко, обостряются хронические заболевания. Всё это влияет на иммунную систему – защиту от инфекций, соответственно, человек становится более уязвим к вирусам.

Дети, которые посещают школу или детский сад, всегда контактируют с вирусами, а когда они болевают, подвергают риску всех членов семьи.

Пожилые люди также в группе риска, поскольку их иммунная система может быть не такой сильной, как раньше. То же самое можно сказать и о людях с хроническими или аутоиммунными заболеваниями.

Есть несколько способов снизить риск инфицирования ОРВИ в межсезонье.

Регулярно мойте руки с мылом: по возвращении домой, после чихания и кашля. Это предотвратит распространение микробов. Если нет возможности вымыть руки с мылом, используйте антисептик.

Не прикасайтесь к глазам, носу и рту немытыми руками, слизистые оболочки – входные ворота инфекции.

Соблюдайте правила респираторной гигиены: кашляйте и чихайте в салфетку или в сгиб локтя. В противном случае микробы с поверхности рук могут распростра-

няться на предметы, к которым вы прикасаетесь.

Если заболели – оставайтесь дома. Так вы снизите риск передачи инфекции другим людям и вероятность развития осложнений у себя.

Соблюдайте правила гигиены на работе и дома: протирайте столы, тумбочки и другие поверхности антимикробными салфетками.

Высыпайтесь, будьте физически активными, регулярно питайтесь, соблюдайте режим дня, откажитесь от вредных привычек, ведите здоровый образ жизни – залог здоровья.

Ещё один неприятный сюрприз хорошей весенней погоды – аллергия.

Если вы чихаете и не знаете, аллергия это или ОРВИ, есть несколько моментов, которые следует учитывать. Аллергия на пыльцу не сопровождается лихорадкой, если у вас повышена температура, особенно на протяжении нескольких дней, болит горло, есть кашель, ломота в теле, головная боль и упадок сил – это вероятнее всего вирусная инфекция. Большинство людей с ОРВИ выздоравливают примерно через 7-10 дней, в то время как симптомы аллергии могут продолжаться на протяжении всего сезона цветения.

- Одевайтесь в соответствии с фактической температурой на улице, но учитывайте, что погода может резко измениться.

- Помните, что сейчас не совсем лето, поэтому брюки и одежда с длинными рукавами по-прежнему актуальны.

Не дайте аллергии и ОРВИ помешать вам наслаждаться прекрасной весенней погодой! Будьте здоровы!

Рекомендации специалистов филиала ФБУЗ «Центр гигиены и эпидемиологии в РД в Магаскентском районе



**РОССИЯДИН ЯРАКЪЛУ
КЪУВАТРИН ЖЕРГЕЙРА
ИКЪРАРДИН
БИНЕДАЛЛАЗ
КЪУЛЛУГЪ АЯ!**

службапоконтракту.рф

ЯШАЙИШДИН РЕКЪЯЙ КЪЕЗИЛВИЛЕР ВА ЗАМИНВИЛЕР

- ☆ Ипотекадин къурулушдикай менфят къачуна Россиядин оборонадин министерстводин такъатрихъ квалер маса къачудай мумкинвал;
- ☆ Квалахдин рекъяй квалер ва я квал кирида къуна харж авур пул элкъвена вахкун;
- ☆ Военно-медицинский идарайра пулсуз сагъламвал ахтармишун, сагъар хъувун;
- ☆ Уьмуьр ва сагъламвал федеральный бюджетдин гысабдай страховать авун;
- ☆ 20 йисуз къуллугъ авурдалай къулухъ льготаяр авай пенсия къачудай ихтиярар хъун;
- ☆ Дяведин гьерекатрин ветерандин дережа ва талукъ тир къезилвилер

ДЯВЕДИН МАХСУС СЕРЕНЖЕМ КЫЛЕ ФИЗВАЙ ЗОНАДА ГУЗВАЙ МАЖИБАР

Взводдин командирдин заместитель-отделенидин командир	вацра 250 агъзурдалай виниз
Отделенидин командир	вацра 238 агъзурдалай виниз
Штабдин инструктор	вацра 234 агъзурдалай виниз
Командно-штабный машиндин радиостанциядин начальник	вацра 232 агъзурдалай виниз
Старший сапер	вацра 216 агъзурдалай виниз
Старший телефонист	вацра 224 агъзурдалай виниз
Гранатометчик	вацра 211 агъзурдалай виниз
Улакъ гъалзавайди	вацра 216 агъзурдалай виниз
Ашпаз	вацра 211 агъзурдалай виниз
Лишанчи	вацра 210 агъзурдалай виниз
Улакъ гъалзавайди-электрик	вацра 222 агъзурдалай виниз
Пулеметчик	вацра 216 агъзурдалай виниз

Яракълу къуватрин жергейра икърардин бинедаллаз къуллугъ авун патал арза кхъена, герек идарадив агакъардай къайдаяр:

- ☆ Жува, почтадин куьмекдалди, телефондин куьмекдалди - икърар кутлундайбур хкъазавай чкадиз ва я военный комиссариатдиз

8 (989) 484-69-95

- ☆ Россиядин оборонадин министерстводин сайтда авай агъалидин хуси кабинетда

службапоконтракту.рф

контракт05.рф

- ☆ Гьукуматдин къуллугърин сад тир порталда авай "Икърардин бинедаллаз къуллугъ авун" электронный сервисдин куьмекдалди

госуслуги.рф

Икърардин бинедаллаз къуллугъ авуниз талукъ суалар гуз жедай къуллугъдин "кудай" линия – 117



Шегьерар игитар

1945 2025



СТАЛИНГРАДДИН дяве инсаниятдин тарихда лап гзаф ивиар экъичайбурукай сад я. Ам 227-нумрадин приказдай къачур «Са камни къулухъди!» девиздик галаз къиле фена ва Ватандин Чехи дяведа, гъаки дуьнья-

дин Къвед лагъай дяведа дегишвал тур важиблу легъзе хъана. Сталинграддин дяведин къилин лишан «къакъанвал 102»-Мамаев тепе хъана. Шегьер патал дяве физвайла ам са шумуд сеферда гагъ советрин къушунрин,

гагъ душмандин гъиле хъана. Телеф хъайи аскерар риклел хуьниз талукъарнавай мемориальный комплекс гъа и тепедал эцигун къарардиз къачун мягътелвал ийидай кар туш. Мемориал 1959- йисуз архитектор Вучетичан руководстводик кваз башламишна ва 1967-йисуз акъалтларна. Ансамблдин къилин элемент 85 метр къакъанвал алай лап зурба «Диде Ватанди эверзава!» памятник я. Ам дуьньяда виридалайни къакъан статуяйрикай сад я. Ам гъазурдайла 5500 тонн бетон ва 2400 тонн ракъун конструкция харжна. Статуя дибдал пьедесталдал ала, амма адан чехи пай чилик ква.

Гъавилай, Диде-Ватан къецил квачералди тепедал акъвазнавайди хъиз аквазва. Монументдин ценеривай вири Мамаев тепе, Волга ва Волгоград вич аквазва.

ОБЪЯВЛЕНИЕ

Администрация муниципального района «Магарамкентский район» объявляет конкурс на замещение вакантной должности муниципальной службы в администрации муниципального района «Магарамкентский район» главного специалиста отдела по обеспечению деятельности антитеррористической комиссии МР «Магарамкентский район» – старшая должность муниципальной службы – 1 единица.

В конкурсе могут принять участие лица, соответствующие следующим квалификационным требованиям:

наличие высшего профессионального образования;

Начало приема документов для участия в конкурсе с 09.00 ч. 2 апреля 2025 года, окончание в 16.00 ч. 23 апреля 2025 года.

Документы принимаются в рабочие дни (понедельник – пятница) с 09.00 ч. до 12.00 ч. и с 13.00 ч. до 16.00 ч. по адресу: 368780, с.Магарамкент, ул. Гагарина, 2 (Здание Администрации), Отдел кадровой работы и информационных технологий, тел: 8 (8722) 55-18-04.

Гражданам, допущенным к участию в конкурсе, о дате, месте и времени проведения второго этапа конкурса будет сообщено не позднее чем за 15 дней до их начала.

Конкурс будет проводиться в здании Администрации муниципального района «Магарамкентский район».

Квалификационные требования для замещения этих должностей, условия прохождения муниципальной службы, документы, подлежащие представлению в комиссию; срок, до истечения которого принимаются указанные документы; проекты трудовых договоров опубликованы на официальном сайте администрации МР «Магарамкентский район» в сети Интернет в разделе «Муниципальная служба».

Къилин редактор
Р. АБДУРАГЪИМОВ.

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче, 4.

Газет гъафтеда садра акъатзава.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул члугуна - 15.00.

Газетдин регистрациядин нумра- Д 0174

Газет ООО «Самур» типографияда гъазурнава гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги члал.
Индекс 63340. Тираж 1400
Заказ № 15.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+